



白氏長慶集卷之二十一

後序

前三年元微之為予編次文集而叙之凡
 五帙每帙十卷訖長慶二年冬號白氏長
 慶集邇來復有格詩律詩碑誌序記表贊
 以類相附合為卷軸又從五十一以降卷
 而第之是時大和二年秋予春秋五十有
 七目昏頭白衰也以矣拙音狂句亦已多
 矣由茲而後宜其絕筆若餘習未盡時時
 一詠亦不自知也因附前集報微之故復
 序于卷首云爾

郡齋旬假命宴呈座客示郡寮

公門日兩衙公假月三旬衙用決簿領旬
 以會親賓公多及私少勞逸常不均况為
 劇郡長安得閑宴頻下車已二月開筵始
 今晨初黔軍厨突一拂郡榻塵既備獻酬

禮亦具水陸珍萃醕茗溪醕水鱸松江鱗
侑食樂懸動佐權妓席陳風流吳中客佳
麗江南人歌節點隨袂舞香遺在茵清奏
凝未闕醜顏氣已春衆實勿遽起郡寮且
逡巡無輕一日醉用犒九日勤微彼九日
勤何以治吾民微此一日醉何以樂吾身

題西亭

朝亦視簿書暮亦視簿書簿書視未竟蟋
蟀鳴座隅始覺芳歲晚復嗟塵務拘西園
景多暇可以少躊躇池鳥澹容與橋柳高
扶疎烟蔓嫋青薜水花披白蕖何人造茲
亭華敞綽有餘四簷軒鳥翅複屋羅蜘蛛
直廓抵曲房窈窕深且虛脩竹夾左右清
風來徐徐此宜宴嘉賓鼓瑟吹笙竽荒淫
即不可廢曠將何如幸有酒與樂及時歡
且娛忽其解郡印他人來此居

郡中西園

閑園多芳草春夏香靡靡深樹足佳禽旦
暮鳴不已院門閉松竹庭徑穿蘭芷愛彼
池上橋獨來聊徒倚魚依藻長樂鷗見人
甞起有時舟隨風盡日蓮照水誰知郡府
內景物閑如此始悟誰靜綠何嘗繫遠邇
樹綠晚陰合池涼朝氣清蓮開有佳色鶴
唳無凡聲唯此閑寂境愜我幽獨情病假
十五日十日卧茲亭明朝吏呼起還復視
黎甿

一葉落

煩暑鬱未退涼飈潛已起寒温與盛衰
相爲表裏蕭蕭秋林下一葉忽先委勿
言微搖落搖落從此始
崔湖州贈紅石琴薦煥如錦文死

頽錦支綠綺韻同相感深千年古澗石八
月秋堂琴引出山水思助成金玉音人間
死可比我與君心

九日宴集醉題郡樓兼呈周殷二判官

前年九日到東洛今年九日來吳鄉兩邊蓬鬢
一白三處菊花同色黃一日日知添老
病一年年覺惜重陽江南九月未搖落柳
青蒲綠稻穰香姑蘇臺榭倚蒼靄太湖山
水含清光可憐假日好天色公門吏靜風
景涼榜舟鞭馬取賓客掃樓拂席排壺觴
胡琴錚鏦指撥刺吳娃美麗看眼長笙歌
一曲思凝絕金鈿再拜光低昂日脚欲落
備燈燭風頭漸高加酒漿觥盞豔翻菡萏

葉舞鬟擺落菜萸房半酣憑檻起四顧七
堰八門十六坊遠近高低寺間出東西南
北橋相望水道脉分棹鱗次里間碁布城
冊方人煙樹色無隙罅十里一片青茫茫
自問有何才與政高廳大館居中央銅魚
今乃澤國節刺史是古吳都王郊無戎馬
郡無事門有檠戟腰有章盛時儻來合慙
愧壯歲忽去還感傷從事醒歸應不可使
君醉倒亦何妨諸君停杯聽我語此語真
實非虛狂五旬已過不為夭七十為期蓋
是常須知菊酒盞高會從此多無二十場
同微之贈別郭虛舟鍊師五十韻
我為江司馬君為荆判司俱當愁悴日始
識虛舟師師年三十餘白哲好容儀專心
在鈞汞餘力工琴碁靜彈絃數聲閑飲酒
一卮因指塵土下蟬蛸良可悲不聞姑射

上午歲冰雪肌不見遼城外古今塚累累
嗟我天地間有術人莫知得可逃死籍不
唯走三尸授我參同契其辭妙且微六一
闕局鑄子午守雄雌我讀隨日悟心中了
無疑黃芽與紫車謂其坐致之自負因自
歎人生號男兒若不佩金印即合翳玉芝
高謝人間世深結山中期泥壇方合矩鑄
鼎圓中規鑪橐一以動瑞氣紅輝上齋心
獨嘆拜中夜偷一窺二物正訢合厥狀何
怪竒綢繆夫婦體狎獵魚龍姿簡寂館鍾
後紫霄峯曉時心塵未淨潔火候逐差
萬壽觀刀圭千功失毫釐先生彈指起姪
女隨煙飛始知緣會間陰騭不可移樂竈
今夕罷詔書明日追亡我復追君次第承
恩私官雖小大殊同立白玉墀我直紫微
闈手進賞罰詞君侍玉皇座口含生殺機

直躬易媒孽浮俗多瑕疵轉徙今安在
嶠吳江湄一提支郡印一建連帥旗何言
四百里不見如天涯秋風旦夕來白日西
南馳雪霜各滿髮朱紫徒爲衣師從廬山
洞訪舊來於斯君尋又覓我風馭紛逶迤
帔人曳黃絹鬚髮垂青絲逢人但斂手問
道亦頷頤孤雲難久留十日告將歸欵曲
話平昔殷勤勉衰羸後會杳何許前日
磷緇俗家无異物何以充別資素牋一百
句題附元家詩朱頂鶴一隻與師雲間騎
雲間鶴背上故情若相思時上摘一句唱
作步虛辭

霓裳羽衣歌 和微之

我昔元和侍憲皇曾陪內宴七昭陽十歌
百舞不可數就中最愛霓裳舞七時寒食
春風天玉鈎欄下香按前按前舞者顏如

玉不著人家俗衣服虹裳霞帔步搖冠
璎纒七珮珊上娉婷似不任羅綺顧聽樂
懸行復上磬簫箏笛迤相攬擊擲彈吹聲
麗逝散序六奏未動衣陽臺宿雲慵不飛
中序擘曉初入拍秋竹竿裂春冰拆飄然
轉旋迴雪輕媽然縱送游龍驚小垂手後
柳無力斜曳裾時雲欲生烟娥斂略不勝
態風袖低昂如有情上元點鬟招萼綠王
母揮袂別飛瓊繁音急節十二遍跳珠撼
玉何鏗錚翔鸞舞了却收翅唳鶴由終長
引聲當時乍見驚心目疑視諦聽殊未足
一落人間八九年耳冷不曾聞此曲湓城
但聽山魘語巴峽唯聞杜鵑哭移領錢塘
弟二年始有心情問絲竹玲瓏篴謝好
箏陳寵感策沈平笙清絃脆管繼上手教
得霓裳一曲成虛白亭前湖水畔前後襍

應三度按便除庶子拋却來聞道如今各
星散今年五月至蘇州朝鍾暮角催白頭
貪看案牘常侵夜不聽笙歌直到秋七來
無事多閑悶忽憶霓裳無處問聞君部內
多樂徒問有霓裳舞者無荅云七縣十萬
戶無人知有霓裳舞唯寄長歌與我來題
作霓裳羽衣譜四幅花牋碧間紅霓裳實
錄在其中千姿萬狀分明見恰與昭陽舞
者同眼前鬢髯覩形質昔日今朝想如一
疑從魂夢呼召來似著丹青圖寫出我愛
霓裳君合知發於歌詠形於詩君不見我
愛霓裳未拍時由來能事皆有主楊氏創
聲君造譜君言此舞難得人須是傾城可
隣女吳妖小玉飛作烟越艷西施化為土
嬌花巧笑久寂寥娃館苧蘿空處所如君

白氏文集卷之十一

所言誠有是君試從容聽我語若求國色
始翻傳但恐人間廢此舞妍媸優劣寧相
遠大都只在人擡舉李娟張態君莫嫌亦
擬隨宜且教取

小童薛陽陶吹鳳策歌 和浙西
李大夫作

剪削乾蘆插寒竹九孔漏聲五音足近來
吹者誰得名關雉老死李衮生衮今又老
誰其嗣薛氏樂童年十二指點之下師授
聲含爵之間天與氣潤州城高霜月明吟
霜思月欲發聲山頭江底何情猿鳥不
喘魚龍聽翕然聲作疑管裂訕然聲盡疑
刀截有時婉軟无筋骨有時頓挫生稜節
急聲圓轉促不断轉上轉上似珠貫緩聲
度引長有條有條直上如筆描下聲乍墜
石沉重高聲忽舉雲飄蕭明旦公堂陳宴

席主人命樂娛賓客碎絲細竹徒紛上宮
調一聲雄出羣衆音翻縷不落道有如部
伍隨將軍嗟爾陽陶方稚齒下手發聲已
如此君教頭白吹不休但恐聲名壓關李

啄木曲

莫買寶剪刀虛費千金直我有心中愁知
君剪不得莫磨解不得莫染紅絲線徒誇好
腸中結知君解不得莫染紅絲線徒誇好
顏色我有雙淚珠知君穿不得莫近紅爐
火炎氣徒相逼我有兩髮霜知君銷不得
刀不能剪心愁錐不能解腸結線不能穿
淚珠火不能銷鬢雪不如飲此神聖盃萬
念千憂一時歇

題靈巖寺

娃宮殿廊尋已傾硯池香徑又欲平二三
月時但草綠幾百年來空月明使君雖老

頗多思携觴領妓處
竹一曲涼州無限情
間歌吹更無聲
雙石

蒼然兩片石厥狀恠且醜俗用無所甚時
人嫌不取結從胚渾始得自洞庭口萬古
遺水濱一朝入吾手擔舁來郡內洗刷去
泥垢孔黑烟痕深鏤青苔色厚老蛟蟠作
一可古劍插為首忽疑天上落絕不似人間有
泓容一斗五絃倚其左一杯置其右窪樽
酌未空玉山頽已久人皆有所好物各求
其偶漸恐少年場不容垂白叟迴頭問雙
石能伴老夫否石雖不能言許我為三友
温七土爐火耿上紗籠燭獨抱一張琴夜
宿東亭曉興

入東齋宿窓聲度殘漏簾影浮初旭頭癢
曉梳多眼昏春睡足負暄簷宇下散步池
塘曲南鴈去未迴東風來何速雪依瓦溝
白草遶牆根綠何言萬戶州太守常幽獨

日漸長春尚早牆頭半露紅萼枝池岸新
鋪綠芽草蹋草攀枝仰頭歎何人知此春
懷抱年顏盛壯名未成官職欲高身已老
萬莖白髮真堪恨一片緋衫何足道賴得
君來勸一盃愁開悶破心頭好

前歲花前五十二今年花前五十五歲課
年功頭髮知從霜成雪君看取幾人得老
莫自嫌樊李吳韋盡成土南州桃李北州
梅且喜年上作花主花前置酒誰相勸容
坐唱歌滿起舞欲散重拈花細看爭知明

日死風雨

自詠 五首

朝亦隨羣動暮亦隨羣動榮華瞬息間求得將何用形骸與冠蓋假合相戲弄何異

睡著人不知夢是夢
一家五十口一郡十萬戶出為老科頭入

為衣食主水旱合心憂飢寒湏手撫何異食蓼蟲不知苦是苦

公私頗多事衰憊殊少歡迎送賓客懶鞭笞黎庶難老耳倦聲樂病口厭盃盤既无

可戀者何以不休官
一日復一日自問何留滯為貪逐日俸擬

作歸田計亦須隨豐約可得無限劑若待足始休官在何歲

官舍非我廬官園非我樹洛中有小宅渭上有別墅既無婚嫁累幸有歸休處歸去

誠已運猶勝不歸去

和微之聽妻彈別鶴操因為解釋其義依韻加四句

義重莫若妻生離不如死誓將死同穴其柰生無子商陵追禮教婦出不能止舅姑

明曰辭夫妻中夜起起聞雙鶴別若與人相似聽其悲喚聲亦如不得已青田八九

月遼城一萬里徘徊去住雲嗚咽東西水寫之在琴曲聽者酸心髓况當秋月彈先

入夏人耳怨抑掩朱絲沉吟停玉指一聞無兒歎相念兩如此無兒雖薄命有妻偕

老矣幸免生別離猶勝商陵氏
題故元少尹集後二首

黃壤詎知我白頭徒憶君唯將老年淚一灑故人文

遺文三十軸軸上金玉聲龍門原上土埋骨不埋名

四月一日和微之四月一日作熟蜂聲樂麥風低冉上稻水平漠上芳節

或蹉跎遊心稍牢落春華信為美夏景亦未惡風浪嫩青荷熏欄晚紅藥吳宮好風

月越郡多樓閣兩地誠可憐其柰父離索

吳中好風景八月如三月水荇葉仍香木

蓮花未歇海天微雨散江郭纖埃滅暑退

衣服乾潮生船舫活兩衙漸多暇亭午初

無熱騎吏語使君正是遊時節

吳中好風景風景无朝暮曉色萬家烟秋

聲八月樹舟移絃管動轎擁旌旗駐改號

齊雲樓重開武立路况當豐熟歲好是歡

遊處州民勸使君且莫拋官去

劉禹錫

聞有白太守拋官歸舊谿蘇州十萬戶盡

作櫻兒啼太守駐行舟閭門草萋上揮袂

謝啼者依然兩眉低朱戶非不崇我心如

重狴華池非不清意在寥廓栖夸者竊所

怪賢者默思齊我為太守行題在隱起珪

荅

吏滿六百石昔賢輒去之秩登二千石今

我方罷歸我秩訝已多我歸慙已遲猶勝

塵士下終老無休期卧乞百日告起吟五

篇詩朝與府吏別暮與州民辭去年到郡

時麥穗黃離七今年去郡日稻花白霏甘

為郡已周歲半歲罹旱飢襦袴无一甘

棠無一枝何乃老與幼泣別盡霑衣下慙

蘇人淚上愧劉君辭

別蘇州

浩上姑蘇民鬱上長洲城來慙荷寵命去

愧無能名青紫行將吏斑白列黎毗一時
臨水拜十里隨舟行錢筵猶未收征棹不
可停稍隔烟樹色尚聞絲竹聲悵望武丘
路沉吟澗水亭還鄉信有興去郡能無情

卯時酒

佛法讚醍醐仙方誇沆瀣禾如卯時酒神
速功力倍一杯置掌上三噉入腹內照若
春貫腸暄如日炙背豈獨支體暢仍加志
氣大當時遺形骸竟日忘冠帶似遊華胥
國疑反混元代一性既完全萬機皆破碎
半醒思往來往來吁可怪寵辱憂喜間惶
惶二十載前年辭紫闥今歲拋皂蓋去矣
魚反泉超然蟬離蛻是非莫分別行止死
疑礙浩氣貯曾中青雲委身外捫心私自
語自語誰能會五十年來心未如今日泰
况茲林中物行坐長相對

之滿口清
庶殊覺可

前月發京口今辰次淮涯二旬四百里自
問行何遲還鄉無他計罷郡有餘資進不

慕富貴退未憂寒飢以此易過日騰匕何
所為逢山輒倚棹遇寺多題詩酒醒夜深

後睡足日高時眼底一無事心中百不知
想到京園日懶放亦如斯何必冒風水促

上赴程歸
除日苔夢得同發楚州

共作千里伴俱為一郡迴歲陰中路盡鄉
思先春來山雪晚猶在淮冰晴欲開歸歟
吟可作休戀主人杯

問楊瓊

古人唱歌兼唱情今人唱歌唯唱聲欲說
向君君不會試將此語問楊瓊
有感三首

鬢毛已斑白衣綬方朱紫窮賤當壯年富
榮臨暮齒車輿紅塵合第宅青烟起彼來
此須去品物之常理第宅非吾廬逆旅暫
留止子孫非我有委蛻而已矣有如蠶造
繭又似花生子結花暗凋繭成蠶老死
悲哉可柰何舉世皆如此
莫養瘦馬駒莫教小妓女後事在日前不
信君看取馬肥快行走妓長能歌舞三年
五歲間已聞換一主借問新舊主誰樂誰
辛苦請君大帶上把筆書此語
往事勿追思追思多悲愴來事勿相迎相
迎亦惆悵不如兀然坐不如塌然卧食來
即開口睡來即合眼二事最關身安寢加
餐飯忘懷任行止委命隨脩短更若有興
來狂歌酒一盞
宿榮陽

生長在榮陽少小辭鄉曲迢迢四十載復
到榮陽宿去時十一二今年五十六追思
兒戲時宛然猶在日舊居失處所故里無
宗族豈唯變市朝兼亦遷陵谷獨有漆洧
水無情依舊流
經漆洧

落日駐行騎沉吟懷古情鄭風變已盡漆
洧至今清不見士與女亦無芍藥名

就花枝移酒海枝今朝不醉明朝悔且筭歡
娛逐日來任他容鬢隨年改醉翻衫袖拋

小令笑擲骰盤呼大采自量氣力與心情
三五年間猶得在
喜雨

圃早憂葵莖農旱憂禾菽人各有所私我
早憂松竹乾竹焦死眷上在心目灑葉

廣雲堂
白氏文集卷之九
一
一
一
漑其根汲水勞僮僕油雲忽東起涼雨凄
相續似面洗垢塵如頭得膏沐千柯習
潤萬葉欣上綠千日澆灌功不如一霖
方知宰生靈何異活草木所以聖與賢同
心調玉燭

題道宗上人十韻并序

普濟寺律大德宗上人法堂中有故相國
鄭司徒歸尚書陸刑部元少尹及今吏部
鄭相中書韋相錢左丞詩覽其題皆與上
人唱酬閱其人皆朝賢省其文皆義語予
始知上人之文為義作為法作為方便智
作為解脫性作不為詩而作也如上人者
云爾恐不知上人者謂為護國法振靈一
皎然之徒與故予題二十句以解之
如來說偈讚菩薩著論議是故宗律師以
詩為佛事一音无差別四句有詮次欲使

第一流皆知不二義精潔
禪味從容恣語言縹緲離文字旁延邦國
彦上達王公貴先以詩句牽後令入佛智
人多愛師句我獨知師意不似休上人空
多碧雲思

寄皇甫賓客

名利既兩忘形體方自遂卧掩羅雀門無
人驚我睡睡足抖擻衣閑步中庭地食飽
摩挲腹心頭死一事除却玄晏翁何人知
此味

寄庾侍郎

一雙華亭鶴數片太湖石嶸上蒼玉峯矯
矯青雲翻是時歲云暮淡薄烟景夕庭霜
封石稜池雪印鶴跡幽致竟誰別閑靜聊
自適懷哉庾順之好是今宵客
寄崔少監

微上西風生稍上東方明入秋神骨爽
曉絲桐清彈為古宮調玉水寒冷上自覺
絃指下不是尋常聲須臾羣動息掩琴坐
空庭直至月出後猶得心和平惜哉意未
已不使崔君聽

醉題沈子明壁

不愛君池東十叢菊不愛君池南萬竿竹
愛君簾下唱歌人色似芙蓉聲似玉我有
陽關君未聞若聞亦應愁殺君

勸酒

勸君一盃君莫辭勸君兩杯君莫疑勸君
三盃君始知面上今日老昨日心中醉時
勝醒時天地迢迢自長久白兔赤烏相趁
走身後堆金柱北斗不如生前一樽酒君
不見春明門外天欲明喧上歌哭半死生
遊人駐馬出不得白舉紫車爭路行歸去

來頭已白與錢將用買酒喫

落花

留春上不住春歸人寂寞厭風上不定風
起花蕭索既興風前歎重命花下酌勸君
嘗綠醅教人拾紅萼桃飄火燄上梨墮雪
漠上猩猩有病眼花春風吹不落

對鏡吟

白頭老人照鏡時掩鏡沉吟上舊詩二十
年前一莖白如今變作滿頭絲吟罷迴頭
索盃酒醉來屈指數親知老於我者多窮
賤設便身存寒且飢少於我者半為土墓
樹已抽三五枝我今幸得見頭白祿俸不
薄官不卑眼前有酒心无苦只合歡娛不
合悲

耳順吟寄敦詩夢得

三十四十五慾牽七十八十百病纏五十

六十却不惡恬淡清淨心安然已過愛貪
聲利後猶在病羸昏耄前未無筋力尋山
水尚有心情聽管絃閑開新酒嘗數盞醉
憶舊詩吟一篇敦詩夢得且相勸不用嫌

他耳順年

別檀帳火爐

憶昨臘月天北風三尺雪年老不禁寒夜
長安可徹賴有青檀帳風前自張設復此
紅火爐雪中相暖熱如魚入淵水以兔藏
深穴婉軟蟄鱗蘇温燉凍肌活方安陰慘
夕遽變陽和節無柰時候遷豈是恩情絕
毳簾逐日卷香燎隨烟滅離恨屬三春佳
期在十月但令此身健不作多別時
我為同州牧內愧無才術忝招恩已多遭
逢幸非一偶當穀賤歲適值民安日郡縣

獄空虛鄉間盜奔逸其間最幸者朝客多
分秩行接鷓鴣羣坐成芝蘭室時聯拜表
騎閑動題詩筆夜雪秉燭遊春風携榼出
花教鶯點檢柳付風排比法酒澹清漿含
桃媚紅實洛童調金管盧女鏗瑤瑟黛慘
歌思深腰凝舞拍密每因同醉樂自覺忘
衰疾始悟肘後方不如杯中物生涯隨日
過世事何時畢老子苦乖慵希君數牽率
羅敷斂雙袂樊姬獻一盃不見舒負外秋
菊為誰開

憶舊遊寄劉蘇州

憶舊遊舊遊安在哉舊遊之人半白首舊
遊之地多蒼苔江南舊遊凡幾處就中最
憶吳江隈長洲苑綠柳萬樹齊雲樓春酒
一杯閭門曉嚴旗鼓出臯橋夕開船舫迴

廣雪堂
白氏長慶集卷之二十一

脩娥慢臉燈下醉急管繁絃頭上催六七
年前狂爛熳三千里外思徘徊李娟張態
一春夢周五殷三歸夜臺虎丘月色為誰
好娃宮花枝應自開賴得劉郎解吟詠江
山氣色合歸來

答崔賓客晦叔十二月四日見寄

今歲日餘二十六來歲年登六十一尚不
能憂眼下身因何更筭人間事居士忘筌
默坐先生枕麴昏上睡早晚相從歸醉
鄉醉鄉此去無多地

勸我酒

勸我酒我不辭請君歌上莫遲歌聲長辭
亦切此辭聽者堪愁絕洛陽女兒面似花
河南大尹頭如雪

贈韋處士六年夏大熱旱

驕陽連毒暑動植皆枯槁旱日乾密雲炎

煙焦茂草少壯猶困苦况予病且老既無
白旒檀向以除熱惱汗巾束頭髮食熏
襟袍始覺韋山人休糧散髮好

白氏長慶集卷之二十一

白氏長慶集卷之二十一

白氏長慶集卷之二十二

和微之詩二十三首

并序

微之又以近作四十三首寄來命僕繼和

其間庖絮四百字車斜二十篇者流皆韻

劇辭殫瓌竒怪譎又題云奉煩只此一度

乞不見辭意欲定霸取威置僕於窮地耳

大凡依次用韻七同而意殊約體為文七

成而理勝此足下素所長者僕何有焉今

足下果用所長過蒙見窘然敵則氣作急

則計生四十二章麾掃並畢不知大敵以

為如何夫斲石破山先觀鏡跡發矢中的

兼聽絲聲以足下來章惟求相困故老僕

報語不覺大誇况曩者唱酬近來因繼已

十卷凡十餘首矣其為敵也當今不見

其為多也從古未聞所謂天下英雄唯使

君與操耳戲及此者亦欲三千里外一破

愁顏勿示他人以取笑請樂天白

和晨霞

君歌仙氏真我歌慈氏真慈氏發真念
此閻浮人左命大迦葉右召桓提因千萬
化菩薩百億諸鬼神上自非想頂下及風
水輪胎卵濕化類蠢上難具陳弘願在救
拔大悲忘辛勤死論善不善豈間冤與親
快開生盲眼擺去煩惱塵燭以智慧日灑
之甘露津十界一時度萬法無與鄰借問
晨霞子何如朝玉宸

和送劉道士遊天台

聞君夢遊仙輕舉超世霧握持尊臯節統
衛吏兵軍靈旂星月象天衣龍鳳紋佩服
交帶籙諷吟藻珠文閭宮縹緲間鈞樂依
稀聞齋心謁西母暝拜朝東君煙霏子晉
梧霞爛麻姑裙倏忽別真侶悵望隨歸雲

人生同大夢七與覺誰分况此夢中夢悠
哉何足云假如金闕頂設使銀河瀆既未
出三界猶應在五蘊飲嘔日月精茹嚼沆
瀣芬尚是色香味陸塵之所薰仙中有大
仙首出夢幻羣慈光一照燭奧法相烟煜
不知萬齡暮不見三光曛一性自了上萬
緣徒紛七苦海不能漂劫火不能焚此是
竺乾教先生垂典墳

和櫛沐寄道友

櫛沐事朝謁中門初動關盛服去尚早假
寐須臾間鐘聲發東寺夜色藏南山停驂
待五漏人馬同時閑高星燦金粟落月沉
玉環出門向闕路坦上無阻艱始出里北
閉稍轉市西闕晨燭照朝服紫爛復朱殷
由來朝廷士一入多不還因循擲白日積
漸凋朱顏青雲已難致碧落安能攀但且

知止足尚可銷憂患

和祝蒼華 蒼華髮神名

日居復月諸環迴照下土使我玄雲髮化
為素絲縷稟質本羸劣養生仍莽鹵痛飲
困連宵悲吟飢過午遂令頭上髮種上無
尺五根稀比黍苗梢細同釵股豈是乏膏
沐非關櫛風雨最為悲傷多心焦衰落苦
餘者能有幾落者不可數秃似鵲填河墮
如烏解羽蒼華何用祝苦辭亦休吐匹如
剃頭僧豈要巾詞主

和我年 三首

我年五十七榮名得幾許甲乙三道科蘇
杭兩州主才能本淺薄心力虛勞苦可能
隨衆人終老於塵土
我年五十七歸去誠已遲歷官十五政數
若珠累上野萍始賓薦場苗初繫維因讀

管蕭書竊暮大有為及遭榮遇來乃覺才
力羸黃紙詔頻草朱輪車載脂妻孥及僕
使皆免寒與飢省躬私自愧知我者微之
求懷山陰守未逐嵩陽期如何坐留滯頭
白江之湄
我年五十七榮名得非少報國竟何如謀
身猶未了昔嘗遭官諉恩大而懲小一點
鶴辭軒軒七年魚在沼將枯鱗再躍經鍛
重橋白日上昭上青雲高渺上平生頗同
病老大宜相曉紫綬足可榮白頭不為夭
夙懷慕箕頴晚節期松篠何當闕下來同
拜陳情表

和三月三十日四十韻

送春君何在君在山陰署憶我蘇杭時春
遊亦多念為君歌往事豈敢辭勞慮莫恠
言語狂須知酬荅遽江南臘月半冰凍凝

如廢寒景尚蒼茫和風已吹噓女墻城似
竈鴈齒橋如鋸魚尾上齋淪草芽生沮洳
律遲太簇管日暖義和馭布澤木龍催迎
春土牛助雨師習上灑雲將飄七翥四野
萬里晴千山一時曙抗士麗且康蘇民富
而庶善惡有懲勸剛柔無吐茹兩衙少辭
牒四境稀書疏俗以勞佚安政因閑暇著
仙亭日登眺虎丘時遊預尋幽駐旌軒選
勝迥實御舟移溪鳥避樂作林猿覷池古
鏤鄒沉石竒羅刹踞水苗泥易擣畚粟灰
難鋤紫蕨抽出畦白蓮埋在於委花紅帶
黯濕葉黃含菸鏡動波颭菱雪迴風旋絮
手經攀桂馥齒為嘗梅楚坐併船脚歌行
多馬蹄踰聖賢清濁醉水陸鮮肥飫魚膾
芥醬調水葵鹽鼓絮雖微五袴誅幸免兆
人詛但令樂不荒何必遊無倨吳苑僕尋

罷越城公尚據舊遊幾客存新宴誰人與
莫空文舉酒強下何曾筋江上易優游城
中多毀譽分應當自畫幸勿求人恕我既
無子孫君仍畢婚娶久為雲雨別終擬江
湖去范蠡有扁舟陶潛有籃輦兩心苦相
憶兩口遙相語最恨七年春七來各一處

寄樂天

賢愚類相交人情之大率然自古今來幾
人號膠漆近聞屈指數元其與白乙旁愛
及弟兄中權避家室松筠與金石未足喻
堅密在車如輪轅在身如肘腋又如風雲
會天使相召匹不似勢利交有名而無實
頃我在杭歲值君之越日望愁來儀遲宴
惜流景疾坐耀黃金帶酌醪頰玉質酣歌
口不停狂舞衣相拂平生賞心事施展十
未一會笑始啞上離嗟乃啣七餞筵纒收

拾征棹遠排比後恨苦綿上前歡何卒
居人色慘澹行子心紆鬱風袂去時揮雪
帆望中失宿醒和別思目眩心忽上病魂
黯然銷老淚妻其出別君只如昨芳歲換
六七俱是官家身後期難自必

和寄問劉白

正與劉夢得醉笑大開口適值此詩來歡
喜君知否遂令高卷幕兼遺重添酒起望
會稽雲東南一迴首愛君金玉句舉世誰
人有功用隨自新資材本天授吟哦不能
散自午將及西遂留夢得眠匡床宿東牖

和新樓北園偶集從孫公度周巡

官韓秀才盧秀才范處士小飲鄭
侍御判官周劉二從事皆先歸

聞君新樓宴下對北園花主人既賢豪賓
客皆才華初筵日未高中飲景已斜天地

為幕席富貴如泥沙嵇劉陶阮徒不足置
齒牙卧甕鄙畢卓落帽嗤孟嘉芳草供枕
藉亂鶯助誼譚醉鄉得道路狂海無津涯
一歲春又盡百年期不賒同醉君勿辭獨
醒為壽所嗟銷愁若沃雪波悶如剖瓜稱觴
起為壽此樂無以加歌聲疑貫珠舞袖飄
亂麻相公謂四座今日非自誇有奴善吹
笙有婢彈琵琶十指纖若筍雙鬟鬢如鴉
履鳥起交雜杯盤散紛拏歸去勿擁遏獨
載逃難遮明目宴東武後日遊若耶豈獨
相公樂謳詞千萬家

和除夜作

君賦此詩夜窮陰歲之餘我和此詩日微
和春之初老知顏狀改病覺支體虛頭上
毛髮短口中牙齒疎一落老病界難逃生
死墟况此促上世與君多索居君在浙江

東榮駕方伯輿我在魏闕下謬乘大夫車
妻孥常各飽奴婢亦盈廬唯是利人事此
君全不如我統十郎官君領百吏胥我掌
四曹局君管十鄉閭君為父母君大惠在
資儲我為刀筆吏小惡乃誅鋤君提七郡
籍我按三尺書俱已佩金印掌同趨玉除
外寵信非薄中懷向不攄恩光未報荅日
月空居諸磊落嘗許君踟促應笑予所以
自知分欲先歌歸歟

和知非

因君知非問詮較天下事第一莫若禪第
二死如醉禪能泯人我醉可忘榮悴與君
次第言為我少留意儒教重禮法道家養
神氣重禮足滋彰養神多避忌不如學禪
定中有甚深味曠廓了如空澄凝勝於睡
屏除默念銷盡悠思春無傷春心秋

無感秋淚坐成真諦樂如受空王賜既得
脫塵勞兼應離慙愧除禪其次醉此說非
死謂一酌機即忘三盃性咸逐臣去室
婦降虜敗軍帥思苦膏火煎憂深局鏢秘
須憑百杯沃莫惜千金費便似罩中魚脫
飛生兩翅勸君雖老大逢酒莫迴避不然
即學禪兩途同一致

和望曉

休吟稽山曉聽秦城旦鳴雞初有聲宿
鳥猶未散丁巳漏向盡蓼上鼓過半南山
青沉上東方白漫上街心若流水城角如
斷岸星河梢隅落官闕方輪煥朝車雷四
合騎火星一貫赫弈冠蓋盛熒煌朱紫爛
沙堤巨蠶池市路遠龍斷白日忽照耀紅
塵紛散亂貴教過客避榮任行人看祥烟
滿虛空春色無邊畔鷓鴣行候畧刻龍尾登

蕭雪堂
白
九
霄漢臺殿暖宜攀風光晴可翫草鋪地茵
褥雲卷天幃幔鶯雜佩鏘
上花饒衣粲
上
何言終日樂獨起臨風歎
上我同心人
一
別春七換相望山隔礙欲去官羈絆何日
劉江東超然似張翰

和李勢女

減一分太短增一分太長不朱面若花不
粉肌如霜色為天下艷心乃女中郎自言
重不幸家破身未亡人各有一死此死職
所當忍將先人體與主為疣瘡妾死主意
快從此兩無妨願信赤心語速即白刃光
南郡忽感激却立捨鋒鏑撫背稱阿姊歸
我如歸鄉竟以恩信待豈止情如忘由來
机上肉不足揮平將南郡死已父骨枯墓
蒼上願於墓上頭立石鐫此章勸誠天下
婦不令陰勝陽

和酬鄭侍御東陽春悶放懷追越遊見寄

君得嘉魚置賓席樂如南有嘉魚時勁氣
森爽竹竿竦妍文煥爛芙蓉披載筆在幕
名已重補袞於朝官尚卑一緘疏入掩谷
求三都賦成排左思自言拜辭主人後離
心蕩颺風前旗東南門館別經歲春眼悵
望秋心悲昨曰嘉魚來訪我方駕同出何
所之樂遊原頭春尚早百舌新語新禪
日趨花忙向南拚風催柳急從東吹流年
懶悅不饒我美景鮮妍來為誰紅塵三條
界阡陌碧草千里鋪郊畿餘霞斷時綺幅
裂斜雲展處羅文紕暮鍾遠近聲互動暝
鳥高下飛追隨酒酣將歸未能去悵然迴
望天四垂生何足養嵇著論途何足泣揚
連而胡不花下伴春醉滿酌綠酒聽黃鸝

嘉魚點頭時一嘆聽我此言不知疲語終
興盡各分散東西軒騎分逶迤此詩勿遣
閑人見上恐與他為嘆資白首舊寮知我
者憑君一詠向周師

稀上疎上遶籬竹窄上狹上向陽屋上中

有一曝背翁委置形骸如土木日暮半爐
麩炭火夜深一盞紗籠燭不知有益及民
無二十年來食官祿就暖移盤簷下食防
寒擁被惟中宿秋官月俸八九萬豈徒遣
爾身溫足勤操丹筆念黃沙莫使飢寒囚
滯獄

急景周年急於水念此攬衣中夜起門無
宿客共誰言暖酒挑燈對妻子身飲數盃
妻一盞餘酌分張與兒女微酣靜坐未能
眠風霰蕭上打窓紙自問有何才與術入

為丞郎出刺史爭知壽命短復長豈得營
上心不止請看韋孔與錢崔半月之間四
人死

和雨中花

真宰倒持生殺柄閑物命長人短命松枝
上鶴著下龜千年不死仍無病人生不得
似龜鶴少去老來同日暝何異花開日暝
間未落仍遭風雨橫草得經年菜連月唯
花不與多時節一年二百六十日花能幾
日供攀折桃李无言難自說黃鶯解語憑
君說鶯雖為說不分明葉底枝頭謾饒舌

和晨興因報問龜兒

冬旦寒慘澹雲日無晶輝當此歲暮感見
君晨興詩君詩亦多苦上在兄遠離我苦
不在遠纏綿肝與脾西院病孀婦後床孤
姪兒黃昏一慟後夜半一起時病眼兩行

血悲髮萬莖絲咽絕五臟脉消滲百骸脂
雙目失一目四肢斷兩肢不如溘然盡安
用半活為誰謂茶蘂苦茶蘂甘如飴誰謂
湯火熱湯火冷如澌前時君寄詩憂念問
阿龜喉燥聲氣窒經年無報辭及覩晨興
句未嗟先涕垂因茲漣上際一吐心中悲
茫上四海間此苦惟君知去我四千里使
我告訴誰仰頭向青天但見鴈南飛憑鴈
寄一語為我達微之絃絕有續膠樹斬可
接枝唯我中腸斷應無連得時

藹上春景餘我上夏雲初蹊蹠退朝騎飄

飄隨風裾晨從四丞相入拜白玉除暮與
一道士出尋青谿居吏隱本齊致朝野孰
云殊道出有中適機忘無外虞但愧烟霄
上鸞鳳為吾徒又慙雲水間鷗鶴不我踈

坐傾數杯酒卧枕一卷書興酣頭兀兀睡
覺心于上以此送日月問師為何如

空腹嘗新酒偶成卯時醉醉來擁褐裘直
至齋時睡靜酣不語笑真寢无夢寐殆欲

忘形骸詎知屬天地醒餘和未散起坐澹
無事舉臂一欠伸引琴彈秋思

和順之琴者

陰上花院月耿上蘭房燭中有弄琴人聲
貌俱如玉清冷石泉引澹佇松風曲遂使

君子心不愛凡絲竹
感舊寫真

李放寫我真寫來二十載莫問真何如畫
亦銷光彩朱顏與玄鬢日夜改復改無嗟
貌遽非且喜身猶在
授太子賓客歸洛

南省去拂衣東都來掩扉病將老齊至心
與身同歸白首外緣少紅塵前事非懷哉
紫芝叟千載心相依

秋池 二首

身閑无所為心閑無所思况當故園夜復
此新秋池岸闌鳥棲後橋明月出時菱風
香散漫桂露光參差靜境多獨得幽懷竟
誰知悠然心中語自問來何遲

朝衣薄且健晚輦清仍滑社近鷺影稀雨
餘蟬聲歇閑中得詩境此境幽難說露荷
珠自傾風竹玉相戛誰能一同宿共翫新
秋月暑退早涼歸池邊好時節

中隱

大隱住朝市小隱入丘樊丘樊太冷落朝
市大囂諠不如作中隱上在留司官似出
復似處非忙亦非閑不勞心與力又免飢

味做官

與寒終歲無公事隨月有奉錢君若好登
臨城南有秋山君若愛遊蕩城東有春園
君若欲一醉時出赴賓筵洛中多君子可
以恣歡言君若欲高卧但自深掩關亦無
車馬客造次到門前人生處一世其道難
兩全賤即苦凍餒貴則多憂患唯此中隱
士致身吉且安窮通與豐約正在四者間

問秋光

殷卿領北鎮崔尹開南幕外事信為榮中
懷未必樂何如不才者兀兀无所作不引
窓下琴即舉池上酌淡交唯對水老伴無
如鶴自適頗從容旁觀成濩落身心轉恬
泰烟景彌淡泊迴首語秋光東來應不錯

引泉

一為止足限二為衰病牽那罷不因事陶
歸非待年歸來嵩洛下閉戶何翛然靜掃

蘭雪堂
林下地閑疎池畔泉伊流狹似帶洛石大
如拳誰教明月下為我聲濺竟夕舟中
坐有時橋上眠何用施屏障水竹繞床前
知足吟

不種一龍田倉中有餘粟不採一枝桑箱
中有餘服官閑離憂責身泰無羈束中人
百戶稅賓客一年祿樽中不乏酒籬下仍
多菊是物皆有餘非心無所欲吟君未貧
作因歌知足曲自問此時心不足何時足
酬集賢劉郎中對月見寄兼懷元

浙東

月在洛陽天上高靜如水下有白頭人
攀衣中夜起思遠鏡亭上光深書殿裏
三處心相去各千里

太湖石

遠望老峯峨近觀怪欽峯纔高八九尺勢

若千丈尋嵌空華陽洞重疊屏山岑邈矣
仙掌迥呀然劒門深形質矧今古氣色通
晴陰未秋已瑟上欲雨先沉上天姿信為
異時用非所任磨刀不如礪擣帛不如砧
何乃主人意重之如萬金豈伊造物者獨
能知我心

偶作二首

擾上貪生人幾何不天闕違上愛各人幾
何能貴達伊余信多幸拖紫垂白髮身為
三品官年已五十八筋骸雖早衰尚未苦
羸上資產雖不豐亦不甚貧竭登山力猶
在遇酒興時發無事日月長不羈天地闊
安身有處人所適意無時節解帶松下風抱
琴池上月人間所重者相印將軍鉞謀慮
繫安危威權主生殺惟心一身苦炙手旁
人熱未必方寸間得如吾快活

日出起盥櫛振衣入道場寂然無他念但
對一爐香日高始就食上亦非膏粱精粗
隨所有亦足飽充腸日午脫巾簪燕息窓
下床清風颯然至卧可致羲皇日西引杖
履散步遊林塘或飲茶一盞或吟詩一章
日入多不食有時唯命觴何以送閑夜一
曲秋霓裳一日分五時作息率有常自喜
老後健不嫌閑中忙是非一以貫身世交
相忘若問此何許此是無何鄉

葺池上舊亭

池月夜凄涼池風曉蕭颯欲入池上冬先
葺池中閣向暖窓戶開迎寒簾幕合苔封
舊瓦木水照新朱蠟軟火深土爐香醪小
瓷榼中有獨宿翁一燈對一榻

愛君新小池崔十八新池色無人知見底月明夜無

波風定時忽看不似水一泊稀疏琉璃

翫止水

動者樂流水靜者樂止水利物不如流鑒
形不如止淒清早霜降浙瀝微風起中面
紅葉開四隅綠萍委廣狹八九丈灣環与
涯涘淺深三四尺洞徹无表裏淨分鶴翹
足澄見魚掉尾迎眸洗眼塵隔霄蕩心滓
定將禪不別明與誠相似清能律貪夫淡
可交君子豈唯空狎翫亦取相倫擬欲識
靜者心上源只如此

聞崔十八宿予新昌弊宅時予亦
宿崔家依仁新亭一宵偶同兩興

暗合因而成詠聊以寫懷

陋巷掩弊廬高居敞華屋新昌七株松依
仁萬莖竹松前月臺白竹下風池綠君向
我齋眠我在君亭宿平生有微尚彼此多

幽獨何必本主人兩心聊自足

日長

日長晝加飡夜短朝餘睡春來寢食間雖
老猶有味林塘得芳景園曲生幽致愛水
多棹舟惜花不掃地幸无眼下病且向樽
前醉身外何足言人間本無事

三月三十日作

今朝三月盡寂寞春事畢黃鳥漸無聲朱
櫻新結實臨風獨長歎此歎意非一半百
過九年艷陽殘一日隨年減歡笑逐日添
衰疾且遣花下歌送此杯中物

慵不能

架上非無書眼慵不能看匣中亦有琴手
慵不能彈腰慵不能帶頭慵不能冠午後
恣情寢午時隨事飧一飧終日飽一寢至
夜安飢寒亦閑事况乃不飢寒

晨興

宿鳥動前林晨光上東屋銅爐添早香紗
籠滅殘燭頭醒風稍愈眼飽睡初足起坐
兀无思叩齒三十六何以解宿齋一杯雲

母粥

朝課

平甃白石渠靜掃青苔院池上好風來新
荷大如扇小亭中何有素琴對黃卷藥珠
諷數篇秋思彈一遍從容朝課畢方與客
相見

天竺寺七葉堂避暑

鬱鬱復鬱鬱伏熱何時畢行入七葉堂煩
暑隨步失簷雨稍霏微窓風正蕭瑟清宵
一覺睡可以銷百疾

香山寺石樓潭夜浴

炎光晝方熾暑氣宵彌毒搖扇風甚微褰

裳汗霖霖起向月中行來就潭上浴平石
為浴牀窪石為浴斛綃巾薄露頂草屨輕
乘足清涼詠而歸上上石樓宿

嗟髮落

朝亦不嗟髮落暮亦不嗟髮落
來亦不惡既不勞洗沐又不煩梳掠最宜
濕暑天頭輕無髻縛脫置垢巾憤解去塵
纓絡銀瓶貯寒泉當頂傾一勺有如醍醐
灌坐受清涼樂因悟自在僧亦資於剝削

安穩眠

家雖日漸貧猶未苦飢凍身雖日漸老幸
無急病痛眼逢開處合心向閑時用既得
安穩眠亦無顛倒夢

池上夜境

晴空星月落池塘澄鮮淨綠表裏光露簾
清瑩迎夜滑風襟蕭灑先秋涼無人驚處

野禽下新睡覺時幽草香但問塵埃能去
否濯纓何必向滄浪

書紳

仕有職役勞農有畎畝勤優哉分司叟心
力無苦辛歲晚頭又白自問何欣上
始開瓮舊穀猶滿困吾嘗靜自思往
達晨何以送吾老何以安吾貧歲計莫如
穀飽則不干人日計莫如醉上則兼忘身
誠知有道理未敢勸交親恐為人所哂聊
自書諸紳

秋遊平泉贈韋處士閑禪師

秋景引閑步山遊不知疲杖藜捨輿馬十
里與僧期昔嘗憂六十四體不支持今來
已及此猶未苦衰羸心興遇境發身力因
行知尋雲到起處愛泉聽滴時南村韋處
士西寺閑禪師山頭與澗底聞健且相隨

濟源山水好老尹知之久常日聽人言今
秋入吾手孔山刀劍立沁水龍蛇走危磴
上懸泉澄灣轉坊口慮明見深底淨綠无
纖垢仙棹浪悠揚塵纓高風抖擻巖寒松柏
短石古莓苔厚錦座纓高低翠屏張左右
雖无安石妓不乏文舉酒談笑逐身來管
絃隨事有時逢杖錫客或值垂綸叟相與
澹忘歸自辰將及酉公門欲返駕溪路猶
迴首早晚重來遊心期罷官後

平生所愛火兼憐雪火是臘天春雪
為陰夜月鵝毛紛正墮獸炭敲初折盈尺
白益寒滿爐紅玉熱稍宜杯酌動漸引笙
歌發但識歡來由不知醉時節銀盤堆柳
絮羅袖持瓊屑共愁明日銷便作經年別

六年寒食洛下宴遊贈馮李二少

豐年寒食節美景洛陽城三尹皆強健七
日盡晴明東郊蹋青草南園攀紫荆風折
海榴艷露墜木蘭英假開春未老冥合日
屢傾珠翠混花影管絃藏水聲佳會不易
得良辰亦難并聽吟歌暫輟看舞杯徐行
米價賤如土酒味濃於錫比時不盡醉但
恐負平生殷勤二曹長各捧一銀觥
苦熱寄舒負外

何堪日衰病復比時炎燠厭對俗杯盤倦
聽凡絲竹藤牀鋪晚雪角枕截寒玉安得
清瘦人新秋夜同宿非君因不可何夕枉
高躡

一釐早蟬歌數點新螢度蘭缸耿无烟筠
翠夕

簾清有露未歸後房寢且下前軒步斜月
入低廊涼風滿高檣放懷常自適遇境多
成趣何法使之然心中無細故

寄情

灼上早春梅東南枝最早持來翫未足花
向手中老芳香銷掌握悵望生懷抱豈死
後開花念此先開好

舒負外遊香山寺數日不歸兼辱
尺書大誇勝事時正值坐衙慮囚
之際走筆題長句以贈之

香山石樓倚天開翠屏壁立波環迴黃菊
繁時好客到碧雲合處佳人來酡顏一笑
天桃綻清吟數聲寒玉哀軒騎透遲棹容
與留連三日不能迴白頭老尹府中坐早
衙纔退暮衙催庭前階上何所有纍囚成
貫案成堆豈無池塘長秋草亦有絲竹生

塵埃今日清光昨夜月竟無人來勸一杯

早冬遊王屋自靈都抵陽臺上方
望天壇偶吟成章寄温谷周尊師
中書李相公

霜降山水清王屋十月時石泉碧漾上巖
樹紅離上朝為靈都遊暮有陽臺期飄然
世塵外鸞鶴如可追忽念公程盡復慙身
力衰天壇在天半欲上心遲上嘗聞此遊
者隱客與損之各抱貴仙骨俱非泥垢姿
二人相顧言彼此稱男兒若不為松喬即
須作臯夔今果如其語光彩雙歲裝一人
佩金印一人翳玉芝我來高其事詠歎偶
成詩為君題石上欲使故山知

吳宮辭

淡紅花帳淺檀蛾睡臉初開似剪波坐對
珠籠閑理曲琵琶鸚鵡語相和

蘭雪堂
白氏文集卷之九十一

白氏長慶集卷之廿二十六

白氏長慶集卷之二十三

元微之除浙東觀察使喜得杭越

鄰州先贈長句 十七首並與微之

稽山鏡水歡遊地。犀帶金章榮貴身。官職

比君誰校小。封疆與我且為隣。郡樓對散

千峯月。江界平分兩岸春。杭越風光詩酒

主相看更合。是何人。

席上荅微之

我住浙江西。君去浙江東。勿言一水隔。便

與千里同。富貴無人勸。君酒今宵為我盡

杯中

荅微之上船後留別

燭下樽前一分手。舟中岸上兩迴頭。歸來

虛白堂中夢合眼。先應到越州。

荅微之泊西陵驛見寄

煙波盡處一點白應是西陵古驛臺知在
臺邊望不見暮潮空送渡船迴

賀上人迴得報書大誇州宅似仙居厭看
荅微之誇越州宅

馮翊風沙久喜見蘭亭烟景初日出旌旗
生氣色月明樓閣在空虛知君暗數江南

郡除却餘杭盡不如微之重誇州居其落句有西州羅

君問西州城下事醉中疊紙為君書嵌空

石面標羅刹壓捺朝頭敵子胥神鬼曾鞭

猶不動波濤雖打欲何如誰知太守心相

似抵滯堅頑兩有餘張十八員外以新詩二十五首見
寄郡樓月下吟翫通夕因題卷後

秦城南南省清秋夜江郡東樓明月時去我

三千六百里得君二十五篇詩陽春曲調

高難和淡水交情老始知坐到天明吟未

足重封轉寄與微之

滿表填箱唱和詩少年為戲老成悲聲七
麗曲敲寒玉句上妍辭綴色絲吟翫獨當

明月夜傷嗟同是白頭時由來才命相磨

折天遣無兒欲怨誰餘思未盡加為六韻重寄微之

海內聲華併在身篋中文字絕無倫遙知
獨對封章草忽憶同為獻納臣走筆往來

盈卷軸除官迹及掌絲綸制從長慶辭高
古詩到元和體變新各有文姬才稚齒俱
無通子繼餘塵琴書何必求王粲與女猶
勝與外人

關中同直前春事船裏相逢昨日情分袂
二年勞夢寐並牀三宿話平生紫微北畔
辭宮闕滄海西頭對郡城聚散窮通何足
道醉來一曲放歌行

酬微之誇鏡湖

我嗟身老歲方徂君更官高興轉孤軍門
郡閣曾閑否禹穴耶溪得到無酒盞省陪
波卷白。散盆思共彩呼盧。一泓鏡水誰能
羨。自有育中萬頃湖。

雪中即事寄微之

連夜江雲黃慘澹平明山雪白模糊銀河
沙漲三千里梅嶺花排一萬株北市風生
飄散麩東樓日出照凝酥誰家高士關門
戶何處行人失道途舞鶴庭前毛稍定擣
衣礎上練新鋪戲團稚女呵紅手愁坐衰

翁對白鬚壓瘴一州除疾苦呈豐萬井盡
歡娛潤含玉德懷君子寒助霜威憶大夫
莫道烟波一水隔何妨氣候兩鄉殊越中
地暖多成雨還有瑤臺瓊樹無

醉封詩筒寄微之

一生休戚與窮通處上相隨事上同未死
又鄰滄海郡無兒俱作白頭翁展眉只仰
三杯後代面唯憑五字中為向兩州郵吏
道莫辭來去迹詩筒除夜寄微之

鬢毛不覺白甦上事無成百不堪共惜
盛時辭闕下同嗟除夜在江南家山泉石
尋常意世路風波仔細諳老校於君合先
退明年半百又加三

蘇州李中丞以元日郡齋感懷詩寄微之及予輒依來篇七言八韻

白首餘杭太白守落魄拋名來已久一辭

渭北故園春再把江南新歲酒盃前笑歌

徒勉強鏡裏形容漸衰朽領郡慙當潦倒

年鄰州喜得平生友長洲草接松江岸曲

水花連鏡湖口老去還能痛飲無春來曾

作閑遊否憑鶯傳語報李六倩鴈將書與

元九莫嗟一日上催人且貴一年上入手

早春西湖閑遊悵然興懷憶與微

之同賞因思在越官重事殷鏡湖

之遊或恐未暇偶成十八韻寄微

上馬復呼賓湖邊景氣新管絃三數事騎

從十餘人立換登山屐行携漉酒巾逢花

看當妓遇草坐為茵西日籠黃柳東風蕩

白蘋小橋裝鴈齒輕浪甃魚鱗畫舫牽徐

轉銀舫酌慢巡野情遺世累醉態任天真

彼此年將老平生分最親高天從所願遠

地得為鄰雲樹分三驛烟波限一津翻嗟

寸步隔却厭尺書頻浙右稱雄鎮山陰委

重臣貴垂長紫綬榮駕大朱輪出動刀鎗

隊歸生道路塵鴈驚弓易散鷗怕鼓難馴

百吏瞻相面千夫捧擁身自然閑興少應

負鏡湖春

苔微之見寄

可憐風景浙東西先數餘杭次會稽禹廟

未勝天竺寺錢湖不羨若耶溪擺塵野鶴

春毛暖拍水沙鷗濕翅低更對雪樓君愛

否紅欄碧甃點銀泥祭社宵興燈前偶作

城頭傳鼓角燈下整衣冠夜鏡藏鬢白秋

泉漱齒寒欲將閑送老須著病辭官更待

蘭雪堂
年終後支持歸計看

閑卧

盡日前軒卧神閑境亦空
有山當枕上无
事到心中簾卷侵牀日
屏遮入座風望春
春未到應在海門東

新春江次

浦乾潮未應堤濕凍初銷
粉片粧梅朶金
絲刷柳條鴨頭新綠水
鴈齒小紅橋莫恠
珂聲碎春來五馬驕

春題湖上

湖上春來似畫圖
亂峯圍繞水平鋪
松排
山面千重翠月點波心一顆珠
碧毯線頭
抽早稻青羅裙帶展新蒲
未能拋得杭州
去一半勾留是此湖

昏上老與病相和感物思君歎復歌聲早

雞先知夜短色濃柳最占春多
沙頭雨染
班七草水面風馳瑟七波可道眼前光景
惡其如難見故人何

失鶴

失為庭前雪飛因海上風九霄應得侶三
夜不歸籠聲斷碧雲外影沉明月中郡齋
從此後誰伴白頭翁

自感

宴遊寢食漸無味盃酒管絃徒繞身賓客
歡娛僮僕飽始知官職為他人

得湖州崔十八使君書喜與杭越
鄰郡因成長句代賀兼寄微之

三郡何因比結緣
貞元科第忝同年
故情
歡喜開書後舊事思量在眼前
越國封疆
吞碧海杭城樓閣入青烟
吳興卑小君應
屈為是蓬萊最後仙

曉報櫻桃同諸客携酒早看櫻桃花
雪壓枝柯天色清明少人生事故多停盃
替花語不醉擬如何

三月盡時頭白日與春老別更依上憑鶯
為向楊花道絆惹春風莫放歸
早飲湖州酒寄崔使君

一盃扶頭酒泓澄瀉玉壺十分蘸甲酌漱
艷滿銀盃捧出光華動嘗看氣味殊手中
稀琥珀舌上冷醍醐瓶裏有時盡江邊无
處沾不知崔太守更有寄來無

三載卧山城閑知節物情鶯多過春語蟬
不待秋鳴氣嗽因寒發風痰欲雨生病身
無所用唯解卜陰晴

與微之倡和來去常以此竹筒貯詩
陳協律美而成篇因以此答

棟得琅玕截作筒緘題章句寫心育隨風
每喜飛如馬渡水常憂化作龍粉節堅如
太守信霜筠冷稱大夫容煩君讚詠心知
愧魚目驪珠同一封

席上爭飛使君酒歌中多唱舍人詩不知
明日休官後逐我東山去是誰
北院

北院人稀到東窓地最偏竹烟行竈上石
壁卧房前性拙身多暇心慵事少緣還如
病居士唯置一床眠
酬周協律

五十錢塘守應為送老官濫蒙詞客愛猶
作近臣看鑿落愁須飲琵琶悶遣彈白頭

雖強醉不似少年歡

題石山人

騰七兀七在人間貴賤賢愚盡往還
羶臍筵中唯飲酒歌鍾會處獨思山
存神不許

三尸住混俗無妨兩鬢斑
除却餘杭白太守何人更解愛君閑

詩解

新篇日七不成不是愛聲名
舊句時七改無妨悅性情
但令長守郡不覓却歸城
祗擬江湖上吟哦過一生

朝

早潮纔落晚潮來一月周流六十迴
不獨光陰朝復暮杭州老去被朝催

聞歌妓唱嚴郎中詩因以絕句寄

已留舊政布中和又付新詞與艷歌
但是

人家有遺愛就中蘇小感恩多

柘枝妓

平鋪一合錦筵開連擊三聲畫鼓催
紅蠟燭移桃葉起紫羅衫動柘枝來
帶垂鈿胯花腰重帽轉金鈴雪面迴
看即曲終留不住雲飄雨送向陽臺

急樂世辭

正抽碧線繡紅羅忽聽黃鶯歛翠蛾
秋思冬愁春悵望大都下稱意時多
天竺寺送堅上人歸廬山

錫杖登高寺香爐憶舊峯
偶來舟不繫忽去鳥无蹤
豈要留離偈寧勞動別容
與師俱是夢七裏暫相逢

除宴赴闕留贈微之

去年十月半君來過浙東
今年五月盡我發向關中
兩鄉默七心相別一水盈七路

不通從此津人應省事寂寥無復施詩筒
留題郡齋

吟山歌水嘲風月便是三年官滿時春為
醉眠多閉閣秋因晴望暫褰帷更無一事

移風俗唯化州民解詠詩

耆老遮歸路壺漿滿別筵甘棠無一樹那
得淚潸然稅重多貧戶農飢足旱田唯留

一湖水與汝救凶年
留題天竺靈隱兩寺

在郡六百日入山十二迴宿因月桂落
為海榴開黃紙除書到青宮詔命催僧徒

多悵望賓從亦徘徊寺暗烟埋竹林香雨
落梅別橋憐白石辭洞戀青苔漸出松間

路猶飛馬上海孟誰教冷泉水送我下山來
西湖留別

征途行色慘風烟祖帳離聲咽管絃翠黛
不須留五馬皇恩只許住三年綠藤陰下

鋪歌席紅藕花中泊妓船處七迴題畫堪
戀就中難別是湖邊

憑仗江波寄一辭不須惆悵報微之猶勝
重寄別微之

往歲峽中別灑瀕堆邊招手時
重題別東樓

東樓勝事我偏知氣象多隨昏旦移湖卷
衣裳白重疊山張屏障綠參差海仙樓塔

晴方出江女笙簫夜始吹春雨星攢尋蟹
火秋風霞颭弄濤旗宴宜雲髻新梳後曲

愛霓裳未拍時太守三年朝不盡郡齋空
作百篇詩

主人頭白官仍冷去後憐君是底人試謁
別周軍事

蕭雪蓬

會稽元相去不妨相見却殷勤
看常州柘枝贈賈使君
莫惜新衣舞柘枝也從塵汚汗霑垂料君
即却歸朝去不見銀泥衫故時

三十年前路孤舟重往還繞身新眷屬舉
目舊鄉關事去唯留水人非但見山啼襟
與愁髮此日兩成班

別業埭城北拋來二十春改移新逕路變
換舊村鄰有稅田疇薄無官弟姪貧田園
何用問強半屬他人

汴河无景思秋月又淒地薄桑麻瘦村
貧屋舍低早苗多間草濁水半黏泥最是
蕭條處茅城驛向西

憶君我正泊行舟望我君應上郡樓萬里
月明同此夜黃河東面海西頭

自別錢塘山水後不多飲酒懶吟詩欲將
此意憑迴棹與報西湖風月知

决上留巖穴濺上出洞門向東應入海從
此不歸源似葉飄辭樹如雲断別根吾身
亦如此何日返鄉園

向公心切到東洛得楊使君書因以此報
政能從獨步十年生計復何如使君灘上
久分手別駕渡頭先得書且喜平安又相
見其餘外事盡空虛

洛下寓居

如有官如

書堂 日氏文集卷之八十三 九

秋館清涼日書因解悶看夜窓幽獨處琴
不爲人彈遊宴慵多癢趨朝老漸難禪僧
教斷酒道士勸休官渭曲庄猶在錢塘俸
尚殘如能便歸去亦不至飢寒

叩齒晨興秋院靜焚香宴坐晚窓深七篇

真誥論仙事一卷檀經說佛心此日盡知
前境妄多生曾被外塵侵自嫌習性猶殘
處愛詠閑詩好聽琴

好聽琴

本性好絲桐塵機聞即空一聲來耳裏萬
事離心中清暢堪銷疾恬和好養蒙尤宜
聽三樂安慰白頭翁

愛詠詩

辭章諷詠成千首心行歸依向一乘坐倚
繩床閑自念前生應是一詩僧

掌綸不稱君應笑典郡無能我自知別詔

酬皇甫庶子見寄

忽驚新命出同寮偶與夙心期春坊蕭灑
優閑地秋髮滄浪老大時獨占二疎應未
可龍樓見擬覓分司

卧疾

閑官卧疾絕經過居處蕭條近洛河水北
水南秋月夜管絃聲少杵聲多

東宮白庶子南寺遠禪師何處遙相見心
死一事時

問遠師

葦簞停夜食吟詠散秋懷笑問東林老詩
應不破齋

小院酒醒

酒醒閑獨步小院夜深涼一領新秋簞三

間明月廊未收殘盞杓初換熟衣裳好是
幽眠處松陰六尺床

贈侯三郎中

老愛東都好寄身足泉多竹少埃塵年豐
最喜唯貧客秋冷先知是瘦人幸有琴書
堪作伴苦死田宅可為鄰洛中縱未長居
得且與蘇田遊過春

求分司東都寄牛相公十韻

忽心如夢星上髮似絲縱貧長有酒雖
老未拋詩儉薄身都慣疎頑性頗宜節
食亦飽被暖起常遲萬里歸何得三年伴
是誰華亭鶴不去天竺石相隨王尹賞將
馬田家賣與池開門閑坐日遶水獨行時
懶慢交遊許衰羸相府知官寮幸无事可
惜不分司

酬楊八

君以曠懷宜靜境我因蹇步稱閑官閉門
足病非高士勞作雲心鶴眼看

履道新居二十韻

履道坊西角宮河曲北頭林園四鄰好風
景一家秋門閉深沉籬菊黃金合窓筠綠
松直上鋪碧水平流籬菊黃金合窓筠綠
玉稠疑連紫陽洞似到白蘋洲僧至多同
宿賓來輒少留豈無詩引興兼有酒銷憂
移榻臨平岸携茶上小舟果穿聞鳥啄萍
破見魚遊地與塵相遠人將境共幽汎潭
菱點鏡沉浦月生鈎厨晚烟孤起庭寒雨
半收老飢初愛粥瘦冷早披裘洛下招新
隱秦中忘舊遊齋章留鳳閣班籍寄龍樓
病愜官曹靜閑慙俸祿優琴書中有得衣
食外何求濟世才無取謀身智不周應須
共心語萬事一時休

九日思杭州舊遊寄周判官及諸客

忽憶郡南山頂上昔時同醉是今辰笙歌
委曲聲延耳金翠動搖光照身風景不隨
宮相去歡娛應逐使君新江山賓客皆如
舊唯是當筵換主人

秋晚

烟景澹濛濛池邊微有風覺寒蛩近壁知
暝鶴歸籠長貌隨年改衰情與物同夜來
霜厚薄梨葉半低紅

分司

散帙留司殊有味最宜病拙不才身行香
拜表為公事碧洛青嵩當主人已出閑遊
多到夜却歸慵卧又經旬錢塘玉馬留三
匹還擬騎遊攪擾春

河南王尹初到以詩代書先問之

別來王閣老三歲似須更髮上
班多必杯前興有無官從分
緊慢清莫問榮枯許入朱門
不籃輿一病夫

池西亭

朱欄映晚樹金魄落秋池
還似錢塘夜西樓月出時

臨池閑卧

小竹圍庭匝平池與砌連
閑多臨水坐老愛向陽眠
營役拋身外幽竒送枕前
誰家外牀脚解繫釣魚船

吾廬

吾廬不獨時妻兒自覺年
侵身力衰眼下

營求容足地心中准擬
挂冠時新昌小院松當戶
履道幽居竹遶池莫道兩
都空有宅林泉風月是家
資

題新居寄宣州崔相公

門庭有水巷無塵好稱閑官作主人冷似
雀羅雖少客寬於蝸舍足容身疎通竹徑
將迎月掃掠莎臺欲待春濟世料君歸未
得南園北曲謾爲隣

憶杭州梅花因叙舊遊寄蕭協律

三年閑悶在餘杭曾爲梅花醉幾場
伍相廟邊繁似雪孤山園裏麗如粧
蹋隨遊騎心長惜折贈佳人手亦香
賞自初開直至落歡因小飲便成狂
薛劉相次埋新隴沈謝雙飛出故鄉
歌伴酒徒零散盡唯殘頭

白老蕭郎

病中辱張常侍題集賢院詩因以

繼和

天祿閣門開甘泉侍從迴圖書皆帝籍
寮友盡仙才騎省通中掖龍樓隔上臺
猶憐病宮相詩寄洛陽來

早春晚歸

晚歸騎馬過天津沙白橋紅反照新
草色連延多隙地鼓聲閑緩少忙人
還如南國饒溝水不似西京足路塵
金谷風光依舊在死人管領石家春

贈楊使君

曾嗟放逐同巴峽且喜歸還會洛陽
時命到來須作用功名未立莫思量
銀銜叱撥欺風雪金屑琵琶費酒漿
更待城東桃李發共君沉醉兩三場

贈皇甫庶子

何因散地共徘徊人道君才我不才
騎以馬蹄生易蹶用稀印鑱澁難開
妻知年老添衣絮婢報天寒撥酒醅
更愧小胥諮拜表單衫衝雪夜深來
池上竹下作

穿籬透舍碧透迤。十畝閑居半是池。食飽
窓間新睡後。脚輕林下獨行時。水能性淡
為吾友。竹解心虛即我師。何必悠悠上人世
上勞心費日覓親知。

年來數出覓春光。亦不全閑亦不忙。放鞚
體安騎穩馬。隔袍身暖照晴陽。迎春日
上。添詩思送老時。上放酒狂除却髭鬚白。一
色其餘未伏少年郎。

別春爐

煖閣春初入。温爐興稍闌。晚風猶冷在。夜
火且留看。獨宿相依久。多情欲別難。誰能
共天語。長遣四時寒。

况小輪二首

水一塘。輪一隻。輪頭漾上知風起。輪背蕭
蕭聞雨滴。醉卧船中欲醒時。忽疑身是江

南客

船緩進。水平流。一莖竹篙剔船尾。兩幅青
幕覆船頭。亞竹亂藤多照岸。如從鳳口向
湖州。

夢行簡

天色妍和水色鮮。閑吟獨步小橋邊。池塘
草綠無佳句。虛卧春窓夢阿憐。

題新居呈王尹兼簡府中三掾

弊宅須重葺。貧家乏羨財。橋憑州守造。樹
倩府寮栽。朱板新猶濕。紅英暖漸開。仍期
更携酒。倚檻看花來。

雲和

非琴非瑟亦非箏。撥柱推絃調未成。欲散
白頭千萬恨。只銷紅袖兩三聲。

春老

欲隨年少強遊春。自覺風光不屬身。歌舞

屏風花障上幾時曾畫白頭人
春雪過皇甫家

晚來籃輦雪中迴喜遇君家門正開唯要
主人青眼待琴詩談笑自將來

崔侍御以孩子三日示其所生詩
見示因以二絕和之

洞房門上掛桑弧香水盆中浴鳳鵲還似
初生三日魄嫦娥滿月即成珠

愛惜可將同寶玉喜歡應勝得王侯弄璋
詩句多才思愁殺無兒老鄧攸

與皇甫庶子同遊城東
舉一杯博望

閑遊何必多徒侶相勸時上舉一杯博望
苑中無職役建春門外足池臺綠油剪葉

蒲新長紅蠟粘枝杏欲開白馬朱衣兩宮
相可憐天氣出城來
洛城東花下作

記得舊詩章花多費洛陽及逢枝似雪已
是鬢戎霜向後光陰促從前事意忙無因

重年少何計駐時芳欲送愁離面須傾酒
入腸白頭無籍在醉倒亦何妨

晚春寄微之并崔湖州
洛陽陌上少交親履道城邊欲暮春崔在

吳興元在越出門騎馬覓何人
城東閑行因題尉遲司葉水閣

閑遶洛陽城無人知姓名病乘籃輦出老
著茜衫行處花相引時上酒一傾借君

溪閣上醉詠兩三聲
寄皇甫七

孟夏愛吾盧陶潛語不虛花樽飄落酒風
案展開書鄰女偷新果家童漉小魚不知

皇甫七池上興何如
訪皇甫七

上馬行數里逢花傾一杯更無停泊處還
是覓君來

白氏長慶集卷之二十三



